

東廬詩話圖

題
錄
集

許春詞人屬
君博題

東樓望美圖題詠集序

餘姚戚 牧飯牛

畫樓半角秋水雙瞳明月一輪玉人對面指絲絲之楊柳綠量檐牙覩灼灼之桃花紅奈屋角微華靡曠不怪相思如隔雲山奈何徒喚入夢空迷蝴蝶填橋不游女牛絳蠟搖紅替下淋漓之淚奈君道遠媚之神要知王子心癡甘爲情死惟有詹郎年少真個魂消此吾友討春詩人東樓望美圖之所由作也賦春煙花游子風月閒人詹伯梁應是前身陳叔寶可稱後輩揚州杜牧不愁到死風流齊國田文只喜平生結納非登徒之好色如屈子之鍾情惜玉心腸憐香性格卜宅百花巷裏讀書一粟園中處子登牆窺宋已三年辛苦伊人在水瞻韓非一日潮洄相對無言愛極轉多意怨未能欲罷情深不怕魂癡離愁不訴人知別恨祇求僂曉搔席姑之長爪心底難爬謝月老之洪恩脚根牢緊可許紅鸞譜上強訂因緣惟知青鳳傳中定多孽障相見爭如不見有情還似無情暮暮朝朝倚檻飽眼中之滋味嗟嗟恨恨攤書轉心上之轆轤真鳩皇有未補之情天精衛有不填之恨海矣是爲序

題詞

寶山朱世賢雅奉

新詩多爲東樓賦說到東樓淚欲流記得東樓聽雨夜有人陪我坐東樓
獨上東樓思悄然東樓樓外月長圓月圓不向東樓照辜負東樓最可憐

東樓望美圖題詠集

MG
1226
239



3 1774 3575 1

東樓望美圖題詠集

二

只見東樓不見人東樓此日欲傷春有懷空對東樓寫難結東樓未了因東樓隣女無端去爲作東樓泣別詩寄語東樓望美客東樓恨事莫追思

自題東樓望美圖集疑雨集句

丹徒楊鴻年討春

宋牆東畔謝樓西出沒狂蹤數日迷惹絕眼波頻送語乍諳情事齒還低不疊花前有淚彈意中人似畫中看心知坐繡垂簾處誰爲天涯寄合歡此生不負會真樓每過樓前一舉頭女伴是歡還是妬笑談時頗涉風流昨製無題事有無一生常拜美人圖輕妝淡服堪描畫消息難通問女巫

前題集小倉山房詩句

前人

引君同到小蓬壺彼此垂青一語無喜字自書三十六分明畫出采鸞圖較勝嫦娥月裏看支筇常自倚欄杆玫瑰淺笑西窗下抽得閒身病亦安季良長鬢影飄蕭身隔雲屏手亂招惟有玉人偏不惱薰香供得董嬌嬈倦把青藜走絳河不知何處認嫦娥江南此際珠簾影付與金閨士女歌

五古前題

赭袍繡豸使者

東樓有佳士西樓有美人
美人與佳士相結百花鄰
佳士望彼美月夕或花晨
美人憶佳士慣作翠蛾聲
君不見東西僅咫尺宛如銀河隔
鳥鵲未填橋彼此皆無策
難學費長房縮地來作劇
但願效宋郎朝暮窺牆隙
又不見西樓簾幙開美人獨徘徊
愁慮有萬千祇爲無良媒
吁嗟乎門前犬尙臥樹上鳥不餓
夕照向西沉整襟且危坐
前世了因緣今生亦無奈
勸君莫傷心吟詩有人和

吳縣張榮培贊公

曉日何瞳瞳輝照畫樓東
中有窈窕娘頰暈緋桃紅
停鏡默不語愁緒搖春風
有客住東牆目成語未通
楊子美丰姿本是多情種
雖具宋郎癡未獲吳姬寵
人面認依稀珠簾花影重
可望不可卽一縷思潮湧
豈無鳥鵲翅咫尺駕長虹
豈無青鳥使消息傳飛鴻
犀心通一點蛾翠收雙瞳
朝朝復暮暮印入迴眸中
奈此百尺樓彷彿蓬山阻
寫作畫圖看天台渺何所
安得費長房縮地相共處
引鳳上簾臺並肩呼爾汝

七古

合肥李靖國可亭

晚煙籠樹風驚竹棲鴉啞啞
憑枝宿十二湘簾忒捲遲
有人簾底雙蛾感感蛾鎖黛
兩蒼蒼澄澄四目熒然光
紅牆尺五悵遐阻安能插翅
凌空翔銅壺漏歇鬼私語
淒音勾起心中緒倚寮撥動
鴛鴦絃欲覓一個知音侶
試看明月照高樓才子美人
無限愁空中月影有時滿
樓頭人願何日酬

東樓學美圖題詠集

四

吳縣嚴寅恭鵬虎

東隣有女貌傾城嬌養深閨十五盈可憐麗質空自許綰劉鴛鴦恨不平因人天氣日初長愁來懶作嫁衣裳
淡淡蛾眉常不掃消立樓頭欲斷腸噫吁嘻天既生伊顏如玉何以不貯黃金屋討春楊子固鍾情那得相傳
兩心曲男兒有志貴求仲莫使閒花惹恨頻客裏寒暄誰問著還須珍重自家身

五律集唐

江甯孫 訥雲伯

宋玉東家女(梁鍾)相思天半樓(姚鵠)翠屏金屈膝(韋莊)花錯玉搔頭(常理)素腕慚新藕(鄭畹)長裾
曳石榴(白居易)要傳書札去(周賀)書札寄無由(姚鵠)

春女顏如玉(劉希夷)雙眸光照人(崔宗之)深情託瑤瑟(賈玉)豔色整羅巾(李愿)別有歡娛處(李白)
甯辭願盼頻(張蕭遠)定應形夢寐(令狐楚)宋玉在西隣(劉馳馳)

杭縣 吳保泰頌平

彼美倚樓東相逢語未通傳情從眼底蓄意在胸中陌柳隴眉碧園花插鬢紅憐卿生麗質可貯館娃宮
省識破瓜年丰神等絳仙捲簾涼月夜拈帶午風天嬌步攜執扇明妝整翠鈿今生能見面也是有前緣

吳縣 徐均儀愚庵

癡郎居隔牆有意欲偷香一瞥人何往三更夢更長詩緣懷別賦酒爲解愁嘗望斷金閨路難逢周寶娘

吳縣范 汜君博

窺牕太無賴應笑宋郎癡粉蝶迷花蕊黃鸝匿柳枝銷魂明月夜分袂暮春時從此難忘却東家一女兒

七律

丹徒吳清庠眉孫

紅樓一角隱垂楊翡翠圍屏玳瑁床似有心情窺宋玉了無消息報王昌曉妝臺鏡芙蓉影春醉開簾豆蔻香嬌鳥喚人回首去馬櫻花底又斜陽

盤西王祖餘恩甫

才人自古絆情魔盼斷西樓奈爾何蠶壳窗明微逗月蝦鬚簾捲細橫波寄書難遞嗔青鳥憑檻偷窺畫翠蛾咫尺天涯無限恨相思一樣隔銀河

吳江謝鹿賓

畫簾深鎖隔重重獨倚闌干想玉容前度關心曾默記者番對面又欣逢風侵幕障難破春到瑤台淡亦濃正是更深人靜候不妨相對語喁喁

夕陽西墜夜昏黃望美人兮各一方碧落幾時容藕葉藍橋何處可求漿夢魂常繞情無限心事難通夜更长

最是魂銷腸斷處，隔簾仔細認紅妝。

曉妝初罷，綰眉垂盼，斷西樓恨已遲。笑我多情，仍不含恨，聊無語。慰相思。金釧欲寄，蓬山隔玉珮，何由洛浦遺。一點靈犀通也未。秋波微動，惹情絲。

良宵悵望，劇堪憐，相對無言。意暗牽。顧影誰知，身冷落，倚闌空。羨月團圓，眼前景，相何非。恨夢裏恩情，亦是緣。可奈銀河，中隔斷，一時未得渡神仙。

吳江殷梯雲豫亭

本是花叢自在身，何妨門外獨探春。梁間燕子還輸我，簾底鸚哥解罵人。促坐尙疑千里遠，嬌嗔似露幾分真。儼然今世難同宿，可結來生未了因。

最是銷魂夕照中，有人獨立畫樓東。雲英遠隔蓬萊島，珠箔低垂翡翠櫺。無語慰卿憐，障綠多情笑我戀殘紅。月明照澈三千界，兩地相思一樣同。

蕭山陳鉢蓮生

登樓不見美人過，名士傷心喚奈何。花爲有因方濺淚，水非無故忽生波。可憐望眼雙穿久，怎禁迴腸百折多。天上團圓人缺陷，癡郎舉首問嫦娥。

蘇兆軾

斜陽影曳百花枝又到東樓月上時
妾本垂簾耽獨坐君偏倚檻惹相思
桃花顏色窺今夕桐葉姻緣俟後期
一幅繪成新稿本流傳四海共題詩

谿西王蠻官

百花叢裏築東樓樓上青衫無限愁
願作鴛鴦常玩弄化為蝴蝶每依投
綠窗好夢頻卿憶紅葉良媒難自求
明月多情照羅幕試看粉黛半含羞

歙縣汪定執允中

總餘吟罷倚闌干正好西樓月一丸
名士有情誰曉喻美人無事且盤桓
相逢可免相思苦對面如何對語難
未隔蓬山千萬里朝朝暮暮幾回看

淞隅小隱

樓隔東西迥若遙銀河難覓鵲填橋
斜陽照面添嬌媚明月知心伴寂寥
雀客衙書樓止止雁驚感曉吹曉曉
神仙相望難相卽不怪癡郎魂欲銷

杭縣吳保泰頌平

東樓望美圖題詠集

八

翽翽玉貌本傾城伴我樓東祇有卿牆角潛窺倩宋玉座中平視效劉楨癡心欲作輕身燕私語須防巧舌鸚
情短情長誰識得凭欄相賞月華明

五絕集詞牌名

武進徐 缶石軻

怕上西樓望桃源憶故人阮郎歸不得辜負畫堂春
夢鎖陽台路巫山一片雲鵲橋仙子遠薄倖怨紅裙
無語憶仙姿黃昏玉漏遲翠樓吟夜月惆悵誤佳期
兩頰紅情逗雙眉綠意傳祝英台畔路腸斷鷓鴣天

梁安李嘉泰左民

家在百花中看花興未窮東樓望不及想煞可憐虫
儂家住何處家在百花中乍見伴羞避無言兩頰紅
宋玉隔東隣風流還自賞家在百花中小樓看月上
靜坐理絲桐惟慚曲未工相思不相見家在百花中

杭縣吳保泰頌平

有美一人兮，真個顏如玉。身住百花叢，淡妝嬌流俗。
誰家執袴兒，戲謔曾遭拒。隔簾偶相窺，刺繡情無語。
心事怕人知，相傳介青鳥。夜半話喁喁，願天遲放曉。
漏盡又鐘鳴，歡會難久恃。要知露水緣，分散須臾耳。

七絕

今朝直欲問東隣，是否前生有夙因。酒盡才人千滴淚，未曾香澤一相親。
紗窗悄閉小紅樓，不怪蕭郎無限愁。庭院黃昏人語寂，負他月上柳梢頭。
雲英未嫁美丰姿，遠隔藍橋實可悲。喚澈奈何天，不管懊儂空自繫。情絲
驚回綺夢事，仍空奴少。豈審計盡窮，勸把柔情如水抹。莫爲蝴蝶戀花叢，
試看芳容映夕陽。美人真個在西方，歲華深鎖嚴闔寂。不許他人說短長，
赤欄一角倚香肩。婉孌明姿望若仙，雙頰羞還是醉紅潮。薄暈杏花天，
黃昏月上。呖鶯籠緊閉，茜紗六扇窗。一盞蘭燈光似豆，亭亭豔影伴成雙。
洛妃態度似鶯鴻，已入陳思雨眼中。妬煞呢喃雙燕子，啣泥猶並入簾櫳。

東樓望美圖題詠集

溧水鄭鍾琪寄伯

東樓望美圖題詠集

十

山陰周錫準子炎

東風吹起幾多愁，小鹿心中撞未休。
抵死纏綿都不悔，悔臨畫閣築高樓。
樓頭贏得幾徘徊，一樣瓊窗對面開。
笑語那人應解事，捲簾回過臉兒來。
望穿秋水尙盈盈，咫尺難通怨慕情。
十二闌干都倚遍，不辭辛苦爲卿卿。
美人原合住西方，底事垂簾獨坐長。
此日何須心怨恨，多情宋玉在東牆。
圖得歡娛豈是空，愛卿身在畫樓中。
分明人約黃昏後，怪煞斜陽耐久紅。
詩箋打疊寫溫柔，癡向樓烏絮絮謀。
若肯填橋私一渡，百花仙主卽牽牛。
爲伊憔悴爲伊忙，兩眼瞳時夜未央。
忽地擡頭見明月，十分圓滿費思量。
寶帳香衾竟睡遲，愛花情緒只花知。
何當借個雙飛翼，偷入珠簾住幾時。
兒家門巷小樓西，眼底巫山可許梯。
吩咐有情都做美，犬兒休吠鵲休啼。
作個癡心撮合山，美人名士盡歡顏。
會施縮地多情法，兩座高樓聚一間。

江甯陶隆僕巽人

跌坐蒲團直到今，花天來往不關心。
被君強作風流客，又把紅兒詩句吟。

雙星相隔已多年祇爲難償十萬錢倘許牛郎逢織女銀河定有鵲橋填
通詞渺渺託微波月老如何不執柯翻借能言鷓鴣口背人偷唱好哥哥
本是三生有夙緣兩人早已誓金鈿天長地久盟難背願作鴛鴦不作仙
不怪張郎欲感懷可憐咫尺似天涯紅娘本是知心婢勿阻鴛鴦到小齋
癡心長念意中人惆悵驚鴻賦洛神君是鍾情儂是恨不知何日可相親
香君果許嫁侯生密語何妨阿母呈料得貞娘憐弱女他時好事總能成
好花樞當夢中看從古歡場漏易殘薄福書生癡福少有誰真個到槐安

江甯陶隆偉秀夫

東風不肯惜芳菲故遣楊花入繡幃妾自多情郎薄倖何人鼓瑟弔湘妃
長卿高唱鳳求凰不怪文君欲斷腸待到月明三五夜私奔客邸有何妨
遙望銀漢水汪洋烏鵲何時替築梁織女倘憐相念苦應將近況報牛郎
美人竚立畫樓西勾引癡郎魂欲迷兩小芳心通一點可憐真個似靈犀

東樓望美圖題詠集

太倉許泰仲珮

十一

指點仙居在望間。畫樓對峙夕陽殷。可憐咫尺天涯似。未許柔情訴阿蠻。
草色芊綿碧似茵。魂銷脈脈倚樓人。惟憎一桁簾波碎。瘦影伶仃認不真。
香煙人氣兩氤氲。珠箔沉沉百和薰。燕子歸來猶未捲。幾回愁煞杜司勳。
笑我登樓不肯休。隔花人遠枉凝眸。癡心愿祝銀河鵲。頃刻填橋會女牛。

吳縣顧德門泣紅

藏嬌築屋在西樓。忙煞隣生目黯偷。君一棹頭卿一笑。笑君癡到幾時休。
影閃鶯鴻首幾回。忽看翠地揭簾開。雀樓犬臥人岑寂。風送嬌聲入耳來。
最是銷魂畫檻前。雙眸轉處一絲牽。夕陽返照珠簾下。掩映紅妝愈見妍。
天涯咫尺此芳隣。可望如何不可親。祇有勞他梁上燕。往來寄語兩家人。

梁安李嘉泰左民

今生何幸結芳隣。相對無言亦夙因。但愿靈犀通一點。秋波微送示情親。
東樓徙倚望西樓。中有佳人號莫愁。但愿他時成眷屬。並肩同看月當頭。
亭亭顧影自生姿。祇解歡娛不解悲。但愿老人來月下。爲憐足上繫紅絲。

多情自古嘆途窮。勘破繁華總是空。但願此身化蝴蝶。遽然一覺百花叢。

長江羽士

西樓咫尺隔千重。望斷巫山十二峯。底事日斜簾未捲。個中應有玉人容。
獨倚闌干望美人。珠簾深鎖畫樓春。無情最是斜陽影。照眼朦朧認不真。

句曲王冠蘭

美人詞客隔西東。幸有靈犀一點通。月上紗窗人不見。願爲蝴蝶入雕欄。
紅樓一角百花中。簾幙重重捲晚風。悄倚畫欄無一語。知他宋玉在牆東。

海昌周 栩夢蝶

紅樓繚渺碧雲端。中隔銀河一道寬。語不聞聲呼不應。美人當作畫圖看。
去來爲燕兩家忙。殘照當樓月上牆。寄語東風多著力。揭開簾子認紅妝。

三孝鄉民

簾鉤風動響丁璫。正是佳人理晚妝。深悔當年買隣里。畫樓何不接書房。
霧鬢雲鬟隱約中。靈犀一點最難通。此身愿作啣泥燕。日日飛來傍綺櫺。

東樓望美圖題詠集

東樓望美圖題詠集

十四

東山主人

丰韻翽翽賽洛神，料從瑤島謫風塵。
若能繪便欲呼卿，畫裏人。
靡樞寂寞玉鈎斜，妙質端宜隔絳紗。
十二巫山望斷處，可憐咫尺卽天涯。
無言相對夕陽紅，語未能通意許通。
最是銷魂人不見，珠簾掩映玉玲瓏。

鬱平梁崇鼎桂實

畫樓西畔桂堂東，相見終嫌語未通。
僂僂將身作鸚鵡，巧傳芳訊到閨中。
爲憐情障隔，波不怪癡郎。
喚奈何，僂僂將身作明月，時窺菱鏡畫雙蛾。
畫圖枉自喚真真，翻悔當年結綺隣。
僂僂將身作蝴蝶，夢中幻得十分春。

貴池劉史超立人

小樓同築百花中，咫尺藍橋路不通。
何日多情成眷屬，敢將心事問天公。
微風幾度動簾鉤，兩地相思一樣愁。
月色不如舊時好，令人翻悔夜登樓。
高樓寂寞悵如何，卿是多情我更多。
却喜今宵非七夕，借他烏鵲渡銀河。

竹倩女士

梳妝樓對讀書樓一樣相思兩地愁我欲問他枝上鵲填橋何日渡牽牛
無事何妨開小窗看花祇恨吹鄰牖東西同對團圓月不是雙窺也是雙
遙望西樓眼欲穿忽然相見一嬋娟百花叢裏魔千丈祇借微波雨意傳

垂簾獨坐似含羞咫尺天涯隔此樓遙望佳人不可卽笑君豔福未曾修

粉牆相隔似天涯底事偏無見面期望眼欲穿雙淚落此情惟有月明知

似知宋玉在東牆蘭麝隨風度暗香燕子窺簾疑是雁忙裁錦字寄檀郎

登報徵詩到九州萬般恨事聚心頭東樓說盡相思苦未識佳人知也不

花影重重鎖畫樓朦朧月下枉凝眸阿儂恨煞青禽懶不肯啣書替訴愁

東樓望美圖題詠集

貴湖許銘麒漢勛

嘉州歐陽禎香蝶

歙縣章鶴松龜

無錫華山西嶽

項雋侯

東樓望美圖題詠集

十六

媚珠詞史

兩地相違悔結鄰衣香鬢影不能親此身愿作呢喃燕飛到妝樓伴美人

茂苑恨蝶

憑欄默默各西東咫尺藍橋路未通明月滿樓簾不捲猶疑人在廣寒宮

橫溪履之

樓隔東西未便呼簾中人影却模糊終朝想像摹神處到晚曾經入夢無

天涯味蕘生

一鉤新月柳梢頭有客相思獨倚樓畢竟腳緣底事垂簾終日不勝愁

想入非非子

夕陽初下月升枝正是東樓望美時獨坐低頭簾不捲佳人才子兩心知

蛟川孫家墅激懷

半壁斜陽照眼明東西樓閣靜無聲藍橋咫尺長相望底事雲英不解情

悔不懺情生

兩心脈脈若爲情鎖日憑欄不轉睛底事一樓偏阻隔不教情種踐鴛盟

淞隅小隱

底事無言坐不移夕陽相映美丰姿令人最是銷魂處風揭簾開一笑時

歙縣汪定執元中

卿須憐我憐卿一樣相思一樣情其奈銀河中隔斷那能鳥鵲築橋成
東樓當日倚闌干憔悴青衫淚未乾君似多情桓子野聞歌未免涕汎潤
樓中本合住神仙不許凡人立並肩祇爲前生緣未訂故教今世福難全
癡郎昔在百花中曾否靈犀一點通此日何須思往事本來色色卽空空

杭縣吳保泰頌平

東鄰碧玉正芳年本是瑤池一謫仙何幸百花叢久住看花日倚曲欄邊
樓高百尺合藏嬌眉目傳情魂易消祇恨銀河相隔斷渡時須倩鵲填橋
望美人今天一方今生豈福總能償窺牆本是尋常事莫笑當時宋玉狂
美如西子使人迷幸得心通一點犀露水因緣容易散有誰春夢醒鷄啼

東樓望美園題詠集

東樓望美圖題詠集

十八

吳縣黃鈞頌堯

瞥見驚鴻浴水潏似含幽恨翠眉顰可憐樓上看花客只愛西方一美人

吳縣徐均議愚農

兩人本是對門居一旦相逢樂有餘不識癡郎望美女近來目的達何如

詩餘

台城路

海昌周栩夢蟻

紅樓咫尺天涯遠終朝倚欄凝仁爲繡初停鸞妝未卸人在瓊窗珠戶相思最苦問甚日黃姑絳河偷渡記得
花時捲簾一笑已心許青禽消息久滯寫瑤箋幾幅誰爲傳語這壁斜陽那廂淡月照見兩家情緒碧雲又
暮要憑仗東風夢兒吹去到得伊邊萬千愁訴與

玉梅令

山陰周錫準子炎

千辛萬苦覓個相思路分明又沒遮沒阻祇畫樓兩角便咫尺天涯笑啼可見恨歡莫訴斜陽西墜新蟾東
吐依稀是那人當戶笑卿卿我我這暮暮朝朝真做了宋牆偷賦

摸魚兒

西湖詞悔

怕黃昏黃昏又近樓頭有客憑倚問卿何事垂簾久懶把銀鈎捲起心甚細說明月有聲慣愛窺人意深深掩
避僅隔著簾櫳瞞將阿母暗裏一凝睇 慇懃悶鎖日紅妝慵理這般離恨滋味銀河咫尺青禽遠消息仗誰
傳遞空苦憶怎化作鴛鴦同夢還同被紅絲未締愿一瓣心香殷勤默祝修到這田地

玉漏遲

繡蝶女史

鴛鴦初夢醒風流贏得青青兩鬟十二時辰兀坐小樓愁悶便看填河烏鵲也不帶佳人芳訊還自付是誰辜
負棲香緣分 因甚恁樣情濃又到得今朝翻如薄倖誤我三生脈脈此懷難忍擬欲推窗細訴見明月遮簾
清影再休話咫尺藍橋路近

蝶戀花

句曲王冠蘭

隱約紅樓藏小小花裏相逢一笑魂飛了縹渺情絲腸角繞重重築就相思堡 月上珠簾人語悄簾內詞人
簾外詞人眺咫尺房櫺天樣香牆東宋玉增煩惱

菩薩蠻

前人

幾重羅幙天涯隔斜陽西墜嬋娟出相見只低頭轉軸心上抽 莫爲牛女宿愿作鴛鴦偶默默祝情天心香
一瓣拈

東樓望美圖題詠集

二十

長相思

丹徒葉玉森鑣虹

望東樓賦東樓一片秦雲鎖綠愁鵲雙電流 賦東樓望東樓十斛珍珠慰得不銀河癡女牛

誤佳期

竹倩女士

莫羨風流張緒却是三生注派東西相向兩瓊樓造就情天界 洛水微波那日酬恩愛佳人才子總多情勿爲多情累

醉花陰

吳縣吳蕙英女史

碧玉年華瓜破候貌妬春花秀家在百花中獨倚欄杆一笑春情透 牆東宋玉相思久怕柳腰銷瘦蝴蝶夢魂中暮暮朝朝來去妝台右

相見歡

武進徐 缶石瓠

樓頭月色溶溶對嬌容柳眼桃顚無語醉春風 終朝坐雙蛾皺悵情儀只一點靈犀在轉波中

人月圓

吳縣嚴寅恭鰭虎

閒來但向樓頭盼裙帶颺風前晶簾高捲玉容相對無限悲歡 蘭湯浴罷香浮霧溼人靜更闌一天明月東西兩地長愿團圓

菩薩蠻

露西王祖餘恩甫

繡幃初捲紅妝露銀河難把牛郎渡
暝色入珠簾佳人啓翠匿
勸君長伫立切莫心頭急
若可話相思姻緣有定期

臨江仙

金閨小嫺

咫尺天涯難見面
癡郎有夢相逢醒來仍住百花中
可憐無侍婢消息不能通
惟愛團圓天上月知心照到
癡癡笑吾空想寶兒容
恨卿終不語竟作負情儂

踏莎行

紅豆花館主人

繡幕風開瓊樓月上
阿儂忽見娉娥像
惟憎風伯太無情
驚醒幻夢春心蕩
翠髻慵梳清標共仰
不妨朝暮長凝想
可憐仙子隔蓬山
劉郎此日偏難往

浣溪紗

海昌吳君益桂香

一樣瓊樓寄此身
東西分占兩家春
未通眉語目先成
却礙垂簾遙掩映
相逢隔座欠分明
偷窺半面也含情

眼看高樓夕照過
燕勞心緒問如何
女牛咫尺隔銀河
相對無言還覩
眸含羞欲訴又延俄
低頭試覷有人

麼

前調

青衫遊子

月上紅窗夜色涼捲簾人也對東廂此中情意更難忘
欲把蠻箋書俗事偏無青鳥寄仙鄉恨卿害我斷柔腸

一點露犀未可通癡心日日望簾櫳個儂情緒有無同
萍水因緣容易別蓬山咫尺不能逢料卿也是悶幽衷

虞美人

繡餘吟館女史

試看天上銀河掛牛女情難話梳妝已罷美兼嬌惟有倚欄時節最魂銷
欲將窗內珠簾捲燕子形能辨生來性格本溫柔真個不言低首坐西樓

詞餘

南南呂

杭縣陳
栩栩仙

集賢賓

紅樓一角天樣高障六扇鮫綃敢有個憑欄人影悄鳳鞋尖低蹴花梢魂靈嬌小仗春風輕輕吹掉打點著溫

存手將伊摟抱

二郎仙換頭

休聽靈犀一點兩心同照乍驚嚙花枝疑巧笑樓頭楊柳嬾輕煙想像纖腰倘若
是姻緣真草草早不合爲情
顛倒怪多嬌怪煞你多愁多病引我魂銷

黃鶯兒

良夜况迢迢看雙星渡鵲橋他相思有日相逢到我琴心枉挑你蛾眉自描算天公未必眞公道武岑寥秦台
弄玉怎不嫁吹簫

琥珀貓兒墜

東窗月上葦子對燈敲簾額銀鈎帶夢搖離憑鸚鵡訴無聊嗚叨怕嚶語分明香海惹風潮

尾聲

盼穿秋水青瞳眸早減了窺牆丰貌爭能殼與却鶉衣結綺寮

雙調

新水令

東樓望美園題詠集

武進徐 缶石瓠

東樓人倦畫欄憑好風光三春暮景斜陽千樹淡新月一鉤明惹起俺看花興

駐馬聽

曲巷層層畫棟雕欄相掩映垂楊紅杏茂林疏處一簾橫蝦蟇搖曳晚風輕雙睛細視癡呆定迢迢隱隱兀的是一座廣寒境

沉醉東風

聽紗窗呀的一聲看妝台倚個娉婷正一轉秋波欲斷魂不做美小鬟打諢攜手東丁伊人杳白雲眼穿疏櫺拚半世功夫等等

得勝令

檐牙暮色兀相如饑眼睜樹森森鳥鵲歸棲穩吠狺狺門前犬亂鳴捫心胸亂轉轆轤緊搔頭顚倚欄無笑聲

折桂令

摩挲著玉貌溫存看將來鏡裏卿卿看將來畫裏眞眞紅顏薄命却把書生命兒同病向那廂眼簾投準這廂性等到黃昏燈明月明初更二更眼暗耳鳴連步有聲

月上海棠

看來咫尺桃源徑偏隔斷巫山萬萬層懊惱百般生把春心付諸灰燼閉窗習靜休攪我夢魂亂併

前殿催

終日裏恨殷殷訴不盡相思彈斷七絃琴愿情天寄與東風信望侯門紅兒難倩身坐愁城捧寸心悶沉沉欲尋個鄰婆訊怕說遍花陰翫

鴛鴦煞

猛擡頭瞥見飛兒隱借東風揭起簾兒認淚雨淋鈴低頭掠髻多少衷情將言又訕恨卿把情絲縛定愿天把紅絲早訂雙樓聚影留個記念新圖却費江郎彩穎

跋

壬戌孟秋討春詞人有東樓望美圖題詞之刊彈指流光已十數寒暑矣此十數寒暑中魚沈雁杳物是人非當更增無限淒桑之感噫嘻情不累人人爲情累今古如斯豈特詞人而已哉余亦癡情人也近編悲秋傷春續傷春諸篇事雖不同情實無異所謂情之所鍾正在我輩者爰引佛經而爲之懺曰色卽是空空卽是色

曠公汪定執敬跋

勘誤表

- 五頁五行三十一字拾誤台
十三頁一行二十二字蓮誤邊
十七頁四行六字允誤元
十九頁九行四十字佳誤詞
二十四頁一行二十四字下漏去真個銷魂四字
二十四頁三行十二字綠誤垂
二十四頁三行四十字下漏去間字
二十四頁六行卅世一字環佩誤携手
二十四頁六行三十一字下漏去響字
二十四頁六行三十六三十七三十八字去杳冥誤杳白雲
二十四頁六行三十九四十四十一四十二字望穿雙眼誤眼穿疏櫺
二十五頁一行十三字思誤心
二十五頁一行二十四字化誤付
二十五頁一行二十五字多一諸字
二十五頁二行一二字殿前誤前殿
二十五頁四行十一字下漏去遍桐陰三字

